



MODUL

BAHASA MELAYU

TAHUN 4

UNIT 27 SERIBU IMPIAN

NAMA : _____

KELAS : _____

 SUMBER
PENDIDIKAN.COM

Anak Peladang dan Takar Wang

(melengkapkan nilai dan pengajaran pada jadual)

Pada zaman dahulu, tinggal seorang peladang bernama Pak Wahid dan isterinya, Mak Senah. Mereka mempunyai seorang anak bernama Awang. Satu hari, Pak Wahid jatuh sakit. Dia telah meninggalkan wasiat bahawa di ladang mereka ada tertanam sebuah takar yang berisi wang.

Tidak lama kemudian, Pak Wahid meninggal dunia. Kehidupan Mak Senah dan Awang menjadi susah kerana tiada siapa mengusahakan ladang itu. Tiba-tiba, Awang teringat akan wasiat bapanya.

Dia segera menggali dan membersihkan kawasan ladang. Awang bekerja dengan tekunnya. Sebelum matahari terbit dia akan ke ladang dan hanya kembali ke rumah lewat petang.

Apabila ladang itu telah bersih, Awang mula bercucuk tanam dengan pelbagai jenis tanaman. Awang sudah tidak peduli dengan wasiat itu. Dia hanya memikirkan cara untuk menjaga kebajikan keluarganya.

Selepas melihat sikap rajin Awang, Mak Senah menceritakan hal sebenar kepada Awang. Awang terkejut, namun dia bersyukur. Jika tidak kerana wasiat itu, dia pasti akan membiarkan ladang itu.

Sejak itu, kehidupan Mak Senah dan Awang berubah. Hasil ladang mereka juga semakin meningkat. Fahamlah Awang pesanan sebenar yang ingin disampaikan ayahnya.

Nilai	Pengajaran
bertanggungjawab	Awang memikirkan cara menjaga kebajikan keluarganya

Menawan Asia

Menjawab soalan pemahaman

Zara dan Dina membaca berita tentang kejayaan atlet negara. Mereka bercadang untuk membuat maklumat bergambar tentang kejayaan Mohamad Ridzuan Puzi, atlet paralimpik negara.

Mohamad Ridzuan Puzi merupakan atlet paralimpik negara

anak jati Perlis yang dilahirkan pada 27 September 1987

dikesan mengalami palsy serebrum ketika berusia setahun

memenangi pingat emas acara 100 meter dalam Sukan Paralimpik Rio de Janeiro pada tahun 2016



memenangi tiga pingat emas semasa Sukan Para Asia 2018 bagi acara 100 meter, 400 meter dan lompat jauh

memegang rekod dunia bagi acara 100 meter T36

menjadi contoh Orang Kurang Upaya (OKU) yang berlatih dengan penuh disiplin untuk berjaya

dipilih sebagai Atlet Para Lelaki Terbaik Asia 2018

1. Siapakah Mohamad Ridzuan Puzi?

2. Dari negeri manakah beliau berasal?

3. Apakah kecacatan yang dihidapi beliau?

4. Mengapakah beliau terpilih sebagai Atlet Para Lelaki Terbaik Asia bagi tahun 2018?

5. Pada pendapat kamu, apakah usaha beliau hingga berjaya pada peringkat antarabangsa?

Insan Berintegriti

Sajak	Maksud sajak
jujurlah pada diri hadapi cabaran dengan berani untuk menggapai kejayaan usahlah mengambil jalan mudah.	Untuk mencapai kejayaan kita perlu bersedia melalui kesusahan.
Kawan ayuh kita bertekad usaha berganda menjadi dugaan jika gagal itulah ujian untuk mencapai impian.	
Kawan ayuh teruskan usahamu janganlah lagi membuang masa terapkan diri dengan disiplin jadilah insan berintegriti tinggi.	

Motivasi Pagi

Melengkapkan petikan dengan kata nafi


Salam sejahtera dan selamat pagi tuan-tuan dan puan-puan. Pada pagi ini, marilah kita bersama-sama mengambil semangat positif. Buangkan semua perkara negatif dalam diri kita. Kita perlu tetapkan bahawa kita _____ orang yang gagal. Kita _____ akan berada bersama-sama dengan orang yang gagal.

Terapkan dalam minda kita bahawa semua orang di sekeliling kita ialah orang yang berjaya.

Tuan-tuan, kita perlu senyum kepada semua orang di sekeliling kita. Jika kita berwajah muram, pasti ada yang _____ suka. Senyum sepanjang hari _____ bermakna kita terlalu gembira. Sebenarnya, kita ingin membawa semangat positif kepada semua orang di sekeliling kita. Sebelum mengundur diri, saya menyeru para pendengar agar _____ bertindak dengan terburu-buru. Itu _____lah cara terbaik. Fikirkan kesan tindak-tanduk kita. Bertimbang rasalah ketika membuat keputusan.

Akhlak Terpuji
(nyatakan nilai)

Pernyataan	Nilai (integriti)
Zara telah terpilih sebagai Tokoh Murid di sekolahnya. Sikap Zara yang cemerlang dalam pelajaran menjadi sebab pemilihannya. Zara sentiasa mengutamakan pengurusan masa. Dia sentiasa menepati masa kerana masa itu emas.	berdisiplin
Dalam bidang kokurikulum, Zara merupakan ketua pasukan hoki sekolahnya. Dia sentiasa mementingkan semangat berpasukan. Berkat kesungguhan bersama, mereka berjaya menjadi johan hoki peringkat daerah.	



Murid 1 : Aduhai, beratnya buku-buku ini! Kalaulah ada rakan yang membantu.

Murid 2 : _____

Murid 1 : _____

Murid 2 : Kawan-kawan marilah _____

Murid 1 : _____

Murid 2 : _____

Penilaian

- a) Baca petikan dan jawab soalan berikut

Izhan seorang pekerja yang rajin. Dia bekerja di sebuah kedai barangan pertanian. Setiap hari, dia akan datang awal untuk membuka kedai. Dia akan menyusun barang di dalam kedai dengan cermatnya. Keadaan kedai yang bersih dan selesa menjadikan kedai itu menarik banyak pelanggan. Keadaan tersebut menyebabkan majikan Izhan suka kepadanya.

Kedai itu telah berkembang menjadi syarikat yang besar. Jumlah kakitangan syarikat itu makin bertambah. Izhan telah dinaikkan pangkat menjadi pengurus besar. Tanggungjawabnya semakin bertambah.

Kini, syarikat itu telah mengeksport produk-produk tempatan ke luar negara. Kerjasama pada peringkat antarabangsa diwujudkan bagi mengimport pelbagai peralatan pertanian berteknologi tinggi untuk kegunaan petani tempatan. Antaranya, dron penyembur baja. Izhan amat bangga dengan syarikat itu.

1. Di manakah Izhan bekerja?

2. Mengapakah pelanggan suka datang ke kedai tempat Izhan bekerja?

3. Siapakah yang dapat memanfaatkan peralatan pertanian berteknologi tinggi?

4. Nyatakan pengajaran yang diperoleh daripada cerita ini.

5. Pada pendapat kamu, apakah kebaikan apabila produk tempatan dieksport ke luar negara?

b) Kenalpasti kata adjektif dalam teks di sebelah

c) Gunakan kata majmuk dalam petikan untuk melengkapkan ayat

1. Negara kita memerlukan _____ yang mahir dalam bidang pertanian.
2. Petani tempatan telah menjalinkan _____ dengan pelbagai pihak dalam pertanian
3. Sikap prihatin _____ syarikat itu terhadap pekerjaanya wajar dipuji.
4. Banyak produk tempatan terkenal pada peringkat _____.
5. Setiap pekerja perlu melaksanakan _____ dengan baiknyanya.